

ME KA MERAV, BABA⁸⁸

*Me ka merav, baba le,
lele, me ka merav,
me ka merav, baba, merakostar!*

*Parunen ma, baba,
lele, parunen man,
parumen man, baba, duy dromende.*

*Duy dromende, baba,
lele, chatwmende.
Duy dromende, baba, chatwmende.*

*Mi kokala,
lele, chatwmende.
Mi phirende, baba, shudri cheshma.*

*Mi shereste, baba,
lele, lolo gyuli,
mi shereste, baba, lolo gyuli.*

*Terno nakhyol, baba,
lele, pani piyol,
phuro nakhyol, baba, gyuli chhinol.*

⁸⁸ **Paraskeva Dimitrova Dimitrova.** Sapore zhanen la sar Barka. Byandi si – 1940 b. ko Karnalovo, obshtina Petrich. Zhivinela ko Kavrakirovo pe byanipnastar zhi akana. Zhanel pes sar erlika. Lakiri religiya si myusyulmansko. Pensionirime si nasvalipnastar. Shundyas i gili anglal 50 bresha katar Mena o Sefoskiri ko Kavrakirovo. Gilyabel peskana si o Ederlezi.